

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI SELASA, 19 MEI 2015, PUKUL 10.00 PAGI**

**Bil. 22**

---

**PERTANYAAN-PERTANYAAN BAGI JAWAB LISAN**

1. PR-1332-L68898  
**Datuk Aaron Ago anak Dagang [ Kanowit ]** minta **MENTERI TENAGA, TEKNOLOGI HIJAU DAN AIR** menyatakan sama ada kualiti air paip (treated water) yang sedia ada di seluruh negara mencapai tahap atau standard yang boleh membanggakan berasaskan standard antarabangsa. Berapakah peratusan penduduk di Malaysia yang belum mendapat air terawat mengikut negeri.
2. PR-1332-L67586  
**Dato' Johari bin Abdul [ Sungai Petani ]** minta **PERDANA MENTERI** menyatakan pegawai-pegawai Perkhidmatan Tadbir dan Diplomatik (PTD) telah banyak menyumbang kepada pembangunan negara. Apakah kaedah-kaedah yang digunakan oleh Kerajaan dalam menaikkan pangkat pegawai-pegawai ini agar mereka yang betul-betul layak sahaja yang dinaikkan pangkat.
3. PR-1332-L68057  
**Datuk Johari bin Abdul Ghani [ Titiwangsa ]** minta **MENTERI KEWANGAN** menyatakan :-
  - (a) apakah rasional dan justifikasi Kumpulan Wang Simpanan Pekerja (KWSP) untuk menaikkan had pengeluaran penuh dari 55 tahun kepada 60 tahun; dan
  - (b) berapakah jumlah pencarum yang akan terlibat dalam cadangan penukaran had umur ini.
4. PR-1332-L68756  
**Tuan Gooi Hsiao-Leung [ Alor Setar ]** minta **MENTERI PERTANIAN DAN INDUSTRI ASAS TANI** menyatakan sama ada Kementerian akan meneliti semula program subsidi beras ST15% selepas Jawatankuasa Kira-kira Wang Negara mengeluarkan saranan dalam April untuk menggantungkan program subsidi tersebut kerana gagal mencapai matlamat untuk membawa manfaat kepada golongan miskin.

5. PR-1332-L68477  
**Datuk Seri Noh bin Haji Omar [ Tanjong Karang ]** minta **MENTERI LUAR NEGERI** menyatakan apakah pendekatan yang telah dan akan diambil oleh pihak Kerajaan khususnya melalui kerjasama serantau seperti ASEAN dalam menangani dan membanteras kegiatan militan IS yang dikatakan giat mengumpul pengikutnya dari Malaysia serta lain-lain negara Asia.
6. PR-1332-L68524  
**Raja Dato' Kamarul Bahrin Shah [ Kuala Terengganu ]** minta **MENTERI PENGANGKUTAN** menyatakan mengapakah pembinaan "KLIA2" sehingga kini masih memerlukan begitu banyak penambahbaikan setelah kosnya naik dari RM2 bilion sehingga RM4 bilion lebih dan apakah punca utama perkara seumpama ini boleh berlaku.
7. PR-1332-L67921  
**Datuk Haji Datu Nasrun bin Datu Mansur [ Silam ]** minta **MENTERI KERJA RAYA** menyatakan melalui Pelan Induk Pembangunan Rangkaian Jalan Raya, Sabah dan Sarawak (HNDP Fasa 2) yang mencadangkan Jalan Pan Borneo. Apakah usaha Kementerian untuk memendekkan masa perjalanan dari pantai Timur Sabah ke Pantai Barat Sabah.
8. PR-1332-L68251  
**Tuan Sim Chee Keong [ Bukit Mertajam ]** minta **MENTERI DALAM NEGERI** menyatakan bilangan syarikat keselamatan, pekerja sektor keselamatan swasta mengikut warganegara dari 2000 hingga 2014.
9. PR-1332-L67642  
**Datuk Haji Shabudin bin Yahaya [ Tasek Gelugor ]** minta **MENTERI LUAR NEGERI** menyatakan status terkini berkenaan pelajar-pelajar Malaysia di Yemen dan usaha Kerajaan dalam memastikan keselamatan pelajar-pelajar ini terjamin.
10. PR-1332-L69187  
**Dr. Haji Izani bin Haji Husin [ Pengkalan Chepa ]** minta **PERDANA MENTERI** menyatakan apakah status terkini tindakan Kementerian terhadap pencerobohan tanah secara haram di Cameron Highlands.
11. PR-1332-L68943  
**Datuk Ikmal Hisham bin Abdul Aziz [ Tanah Merah ]** minta **MENTERI KESIHATAN** menyatakan sejauh manakah seriusnya perbuatan merokok di kalangan pelajar sekolah menengah sehingga Kementerian terpaksa melaksanakan program intervensi bagi membendung ketagihan nikotin di kalangan mereka.
12. PR-1332-L68512  
**Tuan Ahmad Marzuk bin Shaary [ Bachok ]** minta **MENTERI KESIHATAN** menyatakan keutamaan Kerajaan dalam memberikan khidmat kesihatan kepada rakyat di kawasan Parlimen luar bandar dan miskin yang tiada kemudahan hospital seperti Bachok. Apakah faktor yang membolehkan pembinaan Hospital Bachok dipercepatkan.

13. PR-1332-L68038  
**Tuan Anyi Ngau [ Baram ]** minta **MENTERI PELANCONGAN DAN KEBUDAYAAN** menyatakan apakah pihak Kementerian mempertimbangkan cadangan untuk membangunkan Ulu Baram sebagai kawasan pelancongan tanah tinggi bagi membantu mempertingkatkan tahap sosioekonomi komuniti Orang Ulu di kawasan ini.
14. PR-1332-L68447  
**Tuan Lim Kit Siang [ Gelang Patah ]** minta **MENTERI DALAM NEGERI** menyatakan strategi pihak Kerajaan menangani krisis IS yang semakin mengancam serta sebab mengapa Ahli Parlimen Malaysia tidak diberikan taklimat tetap mengenai perkembangan isu ini supaya dapat menyatukan lebih usaha dalam menyekat pengaruh IS khususnya di kalangan remaja negara.
15. PR-1332-L68539  
**Datuk Ahmad Jazlan bin Yaakub [ Machang ]** minta **MENTERI DALAM NEGERI** menyatakan :-
- (a) apakah inisiatif berterusan Kementerian dalam membendung gejala samseng yang semakin berleluasa; dan
  - (b) setakat ini, berapakah jumlah samseng mahupun individu yang menyertai pertubuhan kongsi gelap ini telah berjaya di tahan dan didakwa di bawah Akta Pencegahan Jenayah dari OPS Cantas sehinggalah sekarang.
16. PR-1332-L67960  
**Datuk Mohd Idris bin Jusi [ Batu Pahat ]** minta **MENTERI PENDIDIKAN** menyatakan sikap dan tindakan untuk secara berterusan meningkatkan kualiti guru berinspirasi daripada petikan, *"The mediocre teacher tells. The good teacher explains. The superior teacher demonstrates. The great teacher inspires"*.•
17. PR-1332-L69368  
**Datuk Juslie bin Ajirol [ Libaran ]** minta **MENTERI PENDIDIKAN** menyatakan sejak mencapai kemerdekaan, sejauh manakah kualiti pendidikan dicapai dalam setiap infrastruktur pembelajaran dan pendidikan antara geo-wilayah universiti awam dan swasta di seluruh negara.
18. PR-1332-L68624  
**Dato' Kamarul Baharin bin Abbas [ Telok Kemang ]** minta **PERDANA MENTERI** menyatakan :-
- (a) usaha Kerajaan dalam membuat pindaan terhadap Akta Perihal Dagangan 2011 berkaitan penguatkuasaan terhadap pengusaha restoran Muslim dan hotel-hotel dalam isu sijil pengesahan halal; dan
  - (b) langkah-langkah untuk mengawal status halal restoran-restoran, kelab-kelab golf dan hotel-hotel yang mempromosikan bufet Ramadhan bagi memastikan penyediaan makanan tersebut benar-benar halal.

19. PR-1332-L68881  
**Puan Hajah Normala binti Abdul Samad [ Pasir Gudang ]** minta **MENTERI KESIHATAN** menyatakan senarai ubat-ubatan yang tidak akan dikenakan Cukai Barangan dan Perkhidmatan (GST), berapa peratus daripada senarai ini berbanding jumlah ubat-ubatan yang ada serta apakah langkah yang telah diambil bagi memaklumkan senarai ubat-ubatan tersebut kepada orang ramai.
20. PR-1332-L68589  
**Puan Nurul Izzah binti Anwar [ Lembah Pantai ]** minta **MENTERI LUAR NEGERI** menyatakan apakah pendirian Malaysia dalam pememajaan Presiden Mohamed Morsi, Presiden Mesir yang dipilih secara sah oleh rakyat Mesir, yang digulingkan oleh Rejim El-Sisi pada tahun 2012.
21. PR-1332-L68335  
**Datuk Jumaat bin Idris [ Sepang ]** minta **MENTERI DALAM NEGERI** menyatakan apakah tindakan yang diambil kepada pihak “pelampau agama” yang tindakan mereka boleh mengakibatkan ketegangan di kalangan rakyat.
22. PR-1332-L69286  
**Tuan Wan Hasan bin Mohd Ramli [ Dungun ]** minta **MENTERI PENDIDIKAN** menyatakan pihak yang bertanggungjawab berkaitan pembayaran bil utiliti Sekolah Agama Bantuan Kerajaan di Negeri Terengganu yang dipotong bekalan oleh Tenaga Nasional Berhad dan Syarikat Air Terengganu (SATU) akibat kegagalan menjelaskan bayaran.
23. PR-1332-L67765  
**Dato' Haji Zainudin bin Ismail [ Jelebu ]** minta **MENTERI PERDAGANGAN ANTARABANGSA DAN INDUSTRI** menyatakan perkembangan cadangan penubuhan Bank Mikro ASEAN bagi membantu perusahaan mikro mengembangkan perniagaan mereka dan bagaimanakah ianya akan memberi impak positif kepada pengusaha tempatan.
24. PR-1332-L68339  
**Tuan Wong Chen [ Kelana Jaya ]** minta **MENTERI PERUSAHAAN PERLADANGAN DAN KOMODITI** menyatakan berapakah bilangan pokok-pokok kelapa sawit yang telah ditebang dan berapa telah ditanam semula pada tahun 2013 dan 2014. Nyatakan jumlah tersebut untuk setiap negeri.
25. PR-1332-L68094  
**Dato' Sri Azalina binti Dato' Othman Said [ Pengerang ]** minta **PERDANA MENTERI** menyatakan adakah Kerajaan bercadang untuk membaiki kerosakan struktur rumah di Taman Bayu Damai yang masih tidak dapat diselesaikan di mana ianya memerlukan peruntukan tambahan bagi membaiki pulih hampir 300 buah rumah yang retak dan senget serta mengalami masalah perparitan sehingga sukar untuk dihuni.

26. PR-1332-L69341  
**Ust. Datuk Dr. Mohd. Khairuddin bin Aman Razali [ Kuala Nerus ]** minta **PERDANA MENTERI** menyatakan perancangan-perancangan yang sedang dan akan dilaksanakan oleh Kerajaan Persekutuan untuk membasmi kemiskinan di Terengganu.
27. PR-1332-L68970  
**Tuan Anuar bin Abd. Manap [ Sekijang ]** minta **MENTERI BELIA DAN SUKAN** menyatakan :-
- (a) apakah perkembangan terkini program iTalent yang berperanan untuk menggilap bakat sukan dalam kalangan orang kelainan upaya yang sejak ia dimulakan pada tahun 2014; dan
  - (b) berapakah jumlah atlet yang telah dilahirkan untuk mewakili negara.
28. PR-1332-L69313  
**Tuan Nik Mohamad Abduh bin Nik Abdul Aziz [ Pasir Mas ]** minta **MENTERI KEWANGAN** menyatakan langkah yang diambil bagi mengurangkan beban golongan berpendapatan sederhana dan rendah yang merasai beban pelaksanaan sistem pencukaian GST.
29. PR-1332-L68910  
**Datuk Noor Ehsanuddin bin Mohd Harun Narrashid [ Kota Tinggi ]** minta **MENTERI SUMBER MANUSIA** menyatakan apakah Kementerian mempunyai perancangan strategik khusus membantu golongan kurang upaya untuk mendapatkan pekerjaan yang sesuai untuk golongan ini.
30. PR-1332-L69295  
**Tuan Idris bin Haji Ahmad [ Bukit Gantang ]** minta **PERDANA MENTERI** menyatakan berapakah keluasan tanah wakaf di seluruh negara mengikut negeri-negeri dan keluasan tanah yang masih tidak dibangunkan.
31. PR-1332-L67987  
**Dr. Noor Azmi bin Ghazali [ Bagan Serai ]** minta **MENTERI KEWANGAN** menyatakan BRIM merupakan satu tindakan strategik Kerajaan untuk meringankan kos hidup kumpulan berpendapatan rendah dan wujudnya satu pengkalan data yang amat bernilai. Apakah Kerajaan bercadang untuk wujudkan satu kajian "BIG DATA" yang mampu mencungkil maklumat-maklumat mikro yang boleh membantu bukan sahaja dalam mengurangkan kos hidup malah penyelesaian jangka panjang yang meningkatkan kualiti kehidupan.
32. PR-1332-L69412  
**Dato' Noraini binti Ahmad [ Parit Sulong ]** minta **MENTERI DALAM NEGERI** menyatakan adakah Kerajaan berhasrat untuk meminda Perkara 15(1) Perlembagaan Persekutuan untuk memberi hak sama rata kepada wanita rakyat Malaysia yang mempunyai suami warganegara asing sebagaimana lelaki rakyat Malaysia yang mempunyai isteri warganegara asing boleh memohon untuk kewarganegaraan Malaysia jika memenuhi syarat-syarat Perkara 15(1)(a) dan 15(1)(b).

33. PR-1332-L67966

**Tuan Teo Kok Seong [ Rasah ]** minta **MENTERI SUMBER ASLI DAN ALAM SEKITAR** menyatakan :-

- (a) langkah susulan yang telah dan akan diambil oleh pihak Kementerian terhadap Pusat Kualiti Alam, Bukit Nanas selepas berlakunya kebakaran di situ yang membimbangkan semua rakyat Negeri Sembilan pada 27 Februari 2015; dan
- (b) sebab Kementerian masih membenarkan Pusat Kualiti Alam terus beroperasi selama 15 tahun di Bukit Nanas walaupun dibantah oleh penduduk di situ.

34. PR-1332-L67569

**Datuk Nur Jazlan bin Mohamed [ Pulai ]** minta **PERDANA MENTERI** menyatakan bidang baru ekonomi yang dikenal pasti dapat melonjakkan negara menjadi pemain utama dalam "global supply chain".

35. PR-1332-L68847

**Dato' Shamsul Anuar bin Haji Nasarah [ Lenggong ]** minta **MENTERI KOMUNIKASI DAN MULTIMEDIA** menyatakan :-

- (a) apakah Kementerian berhasrat mengkaji semula Akta Komunikasi dan Multimedia supaya dapat mengawal penyalahgunaan media sosial; dan
- (b) apakah Kementerian bercadang mengkaji semula fungsi dan peranan serta kuasa SKMM.

36. PR-1332-L68759

**Dr. Tan Seng Giaw [ Kepong ]** minta **MENTERI KEWANGAN** menyatakan pelbagai masalah kerana pelaksanaan GST dan penyelesaiannya.

37. PR-1332-L67710

**Datuk Dr. Makin @ Marcus Mojigoh [ Putatan ]** minta **PERDANA MENTERI** menyatakan sama ada pihak Kerajaan bercadang untuk menyediakan perkhidmatan Light Rail Transit (LRT) atau monorai melalui kaedah Private Finance (PFI) bagi mengurangkan kesesakan di Bandar Raya Kota Kinabalu dan kawasan sekitarnya.

38. PR-1332-L68557

**Datuk Hajah Norah binti Abd Rahman [ Tanjong Manis ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan berapakah jumlah peratusan pembangunan rumah mampu milik dan rumah kos rendah dan sederhana berbanding dengan pembangunan rumah mewah di Malaysia pada tiga tahun iaitu 2012, 2013 dan 2014.

39. PR-1332-L67523

**Datuk Koh Nai Kwong [ Alor Gajah ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah Kementerian akan mewujudkan satu pangkalan data bagi memantau pemilikan rumah bagi memastikan objektif Kerajaan untuk rakyat memiliki rumah tercapai.

40. PR-1332-L68750  
**Puan Rubiah binti Haji Wang [ Kota Samarahan ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan adakah skim perumahan mampu milik di negara ini mencukupi dan adakah Kementerian merancang menambah bilangan perumahan mampu milik dan melaksanakan perumahan penjawat awam 1Malaysia di Kota Samarahan.
41. PR-1332-L68484  
**Tuan Gobind Singh Deo [ Puchong ]** minta **MENTERI KEWANGAN** menyatakan sama ada satu pasukan khas akan didirikan untuk menyiasat masalah yang berkaitan dengan 1MDB dan sekiranya ya, sama ada pakar forensik kewangan bebas akan dilantik, siapakah individu-individu lain yang akan turut bersama dalam pasukan dan apakah skop-skop siasatan mereka serta jangka masa yang diberikan atau siasatan, nyatakan juga sekiranya laporan mereka akan dibentang di Parlimen dan diumumkan. Sekiranya tiada pasukan khas, kenapa.
42. PR-1332-L68728  
**Tuan Ignatius Dorell Leiking [ Penampang ]** minta **PERDANA MENTERI** menyatakan sama ada Kerajaan akan ataupun telah memperuntukkan dana khas untuk membiayai kos operasi dan perbelanjaan Mahkamah Bergerak yang sedang membuat siri jelajah di kawasan-kawasan pedalaman Sabah untuk mendengar siasatan ke atas permohonan 'Sijil Kelahiran Lewat' menurut perintah Ordinan Pendaftaran Kelahiran dan Kematian Sabah, Cap 123.
43. PR-1332-L67945  
**Tuan Haji Ahmad Nazlan bin Idris [ Jerantut ]** minta **MENTERI PENDIDIKAN** menyatakan berapakah jumlah peruntukan per kapita sekolah rendah dan menengah yang telah dipotong dalam peruntukan 2015.
44. PR-1332-L69108  
**Tan Sri Dato' Seri Abd Khalid bin Ibrahim [ Bandar Tun Razak ]** minta **PERDANA MENTERI** menyatakan statistik tahunan terperinci kesan limpahan sosioekonomi terhadap masyarakat setempat dan kawasan sekitar natijah pembangunan Pelabuhan Klang sejak mula beroperasi hingga terkini dan disasarkan dalam Rancangan Malaysia Ke-11 (RMK-11).
45. PR-1332-L67598  
**Dato' Takiyuddin bin Hassan [ Kota Bharu ]** minta **MENTERI DALAM NEGERI** menyatakan statistik kes-kes jenayah indeks seperti bunuh, rompak, rogol, mencuri dan mendatangkan kecederaan mengikut negeri pada tahun 2013 dan 2014.
46. PR-1332-L68370  
**Datuk Liang Teck Meng [ Simpang Renggam ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan :-
- (a) apakah usaha Kementerian dalam menangani isu berkaitan caj perkhidmatan yang dikenakan oleh pengusaha memandangkan ia dikenakan dengan kadar yang agak tinggi sehingga 10 peratus; dan

- (b) sekiranya ia dianggap sebagai tips kepada perkhidmatan pekerja, bagaimana untuk memastikan caj berkenaan sampai kepada pekerja dan bukannya dikira sebagai keuntungan pengusaha.
47. PR-1332-L67636  
**Datuk Joseph Salang anak Gandum [ Julau ]** minta **PERDANA MENTERI** menyatakan apa yang telah dan akan dilakukan dalam membangunkan para peniaga di kalangan Bumiputera seperti Kaum/Masyarakat Dayak di negeri Sarawak.
48. PR-1332-L69339  
**Tuan Zairil Khir Johari [ Bukit Bendera ]** minta **MENTERI KEWANGAN** menyatakan sama ada badan-badan amal yang sedang menikmati status pengecualian cukai (tax-exempt status) akan diberi pengecualian GST.
49. PR-1332-L69045  
**Tuan Chong Chieng Jen [ Bandar Kuching ]** minta **MENTERI KEWANGAN** menyatakan apa sebabnya walaupun 'mee kuning' telah diklasifikasi sebagai bahan zero-rated untuk GST tetapi "kolok mee" masih dikenakan GST.
50. PR-1332-L68392  
**Tuan Lim Guan Eng [ Bagan ]** minta **MENTERI KEWANGAN** menyatakan mengapa nilai mata wang ringgit jatuh menjunam dan prestasi Bursa Kuala Lumpur (KLIC) turun 15% pada 2014 yang paling buruk di Asia, sungguhpun ekonomi Malaysia mencatat pertumbuhan ekonomi memberangsangkan sebanyak 6%. Apakah kadar penurunan RM dan bursa saham berbanding dengan negara-negara Asia.
51. PR-1332-L68800  
**Tuan Tony Pua Kiam Wee [ Petaling Jaya Utara ]** minta **MENTERI KEWANGAN** menyatakan sama ada Bank Negara telah menerima kenyataan daripada pihak berkuasa Singapura bahawa penyata kewangan 1MDB atau anak syarikatnya telah dipalsukan. Adakah kumpulan 1MDB masih mempunyai US\$1.1 bilion secara tunai dalam akaun Bank BSI, yang merupakan tebusan dari pelaburan Cayman Islands.
52. PR-1332-L68187  
**Dato' Abd. Aziz bin Haji Sheikh Fadzir [ Kulim Bandar Baharu ]** minta **MENTERI KEWANGAN** menyatakan apakah tujuan utama SRC International ditubuhkan, jenis pelaburan yang disertai oleh SRC International dan daripada manakah syarikat ini mendapatkan modal pelaburan. Jika syarikat ini sudah dijual kepada Menteri Kewangan (Diperbadankan), nyatakan bilakah tarikh ianya dijual dan harga ianya dijual serta projek yang sedang dan akan dijalankan.
53. PR-1332-L68428  
**Puan Kasthuriraani a/p Patto [ Batu Kawan ]** minta **MENTERI DALAM NEGERI** menyatakan siapakah yang memberi arahan ke atas pembunuhan penterjemah Mongolia Altantuya Shariibu dan bagaimana Korporal Sirul Azhar Umar dapat melarikan diri merentasi sekatan PDRM, KDN dan Imigresen Malaysia, menaiki penerbangan dan selamat mendarat di Australia memandangkan hukuman gantung telah dijatuhkan ke atas beliau.



54. PR-1332-L67891  
**Tuan Hee Loy Sian [ Petaling Jaya Selatan ]** minta **MENTERI KEWANGAN** menyatakan :-
- (a) peranan individu Jho Low dalam Syarikat 1MDB ; dan
  - (b) jumlah hutang terkini Syarikat 1MDB dan penyelesaiannya.
55. PR-1332-L67679  
**Tuan M. Kulasegaran [ Ipoh Barat ]** minta **MENTERI PENGANGKUTAN** menyatakan maklumat lanjut tentang nama anggota dan lawatan yang telah dibuat oleh pihak berkuasa ke Eropah berkaitan dengan tragedi MH17 dan berikan pecahan kos yang terlibat bagi setiap perjalanan.
56. PR-1332-L68229  
**Tuan Julian Tan Kok Ping [ Stampin ]** minta **MENTERI DALAM NEGERI** menyatakan adakan kumpulan yang memperjuangkan mahupun membawa cadangan bahawa "Sarawak keluar dari Malaysia" boleh dikenakan tindakan di bawah Akta Hasutan (Sedition Act). Bagaimana dengan yang menyebarkaninya menerusi laman web media sosial.
57. PR-1332-L69124  
**Dato' Dr. Mujahid Yusof Rawa [ Parit Buntar ]** minta **MENTERI PEMBANGUNAN WANITA, KELUARGA DAN MASYARAKAT** menyatakan apakah jenis bantuan segera yang boleh diberikan kepada golongan miskin yang terpaksa melalui proses pembedahan atau rawatan di hospital Kerajaan. Apakah syarat-syarat dan jumlah bantuan diberikan sekiranya Kementerian ada memberi bantuan segera tersebut.
58. PR-1332-L68268  
**Puan Teresa Kok Suh Sim [ Seputeh ]** minta **MENTERI KEWANGAN** menyatakan GST yang dikenakan pada RON97 pada 1 April dan sama ada cukai jualan RM58 sen per liter yang dikenakan atas RON97 sebelum itu telah dimansuhkan selepas pelaksanaan GST. Sekiranya cukai jualan telah dihapuskan, kenapakah harga jualan RON 97 tidak jatuh.
59. PR-1332-L67933  
**Datuk Wee Jeck Seng [ Tanjong Piai ]** minta **MENTERI PERDAGANGAN ANTARABANGSA DAN INDUSTRI** menyatakan cara pengagihan RM20 juta dana Geran Pembangunan Pasaran (MDG) bagi membantu memasarkan produk Bumiputera ke pasaran global.
60. PR-1332-L67551  
**Datuk Madius Tangau [ Tuaran ]** minta **PERDANA MENTERI** menyatakan jumlah Pegawai Tadbir dan Diplomatik (PTD) yang berasal dari Sabah mengikut gred dan jawatan yang dipegang mereka setakat ini.

61. PR-1332-L68299

**Dato' Ar. Wan Mohammad Khair-il Anuar bin Wan Ahmad [ Kuala Kangsar ]** minta **MENTERI SUMBER ASLI DAN ALAM SEKITAR** menyatakan Profesor Gary Strobel dari Montana State University telah datang ke Malaysia pada tahun 2007 sebagai Profesor Pelawat Universiti Kebangsaan Malaysia (UKM). Pada tahun 2010, dua permohonan paten ke atas kulat dari Malaysia yang amat berguna dalam merawat penyakit ganoderma yang menyerang pokok sawit telah diterbitkan. Apakah langkah-langkah yang diambil oleh Kementerian di bawah Nagoya Protocol bagi membendung kes biopiracy yang sama daripada berulang lagi. Adakah Kerajaan Malaysia bercadang untuk mengambil tindakan undang-undang ke atas individu, syarikat dan pertubuhan asing yang mencuri hasil biodiversiti Malaysia bagi tujuan mengaut keuntungan.

62. PR-1332-L67789

**Dato' Ahmad Fauzi bin Zahari [ Setiawangsa ]** minta **MENTERI KEWANGAN** menyatakan adakah sebarang perancangan dari pihak Kementerian untuk menarik balik polisi pengeluaran wang KWSP yang dikatakan akan meningkat kepada umur 60 tahun. Atau adakah terdapat sebarang perancangan selain daripada cara pengeluaran wang KWSP seperti yang telah ditetapkan pada masa kini.

63. PR-1332-L68606

**Dr. Mansor bin Abd Rahman [ Sik ]** minta **MENTERI DALAM NEGERI** menyatakan berikutan kepada peningkatan jumlah penduduk di Malaysia, apakah langkah-langkah tambahan diambil untuk menjaga keamanan rakyat, contohnya adakah jumlah polis yang ditugaskan bertambah di sesuatu kawasan dengan kadar jenayah yang tinggi.

64. PR-1332-L68171

**Tuan Nga Kor Ming [ Taiping ]** minta **MENTERI DALAM NEGERI** menyatakan apakah sebab sebenar wayang gambar "The New Village" dilarang tayangan dan adakah Kerajaan bercadang meminda Film Censorship Act 1971.

65. PR-1332-L68123

**Dr. Ong Kian Ming [ Serdang ]** minta **PERDANA MENTERI** menyatakan status terkini kes SPRM (SPRM/INFO/2014/18929 dan SPRM/INFO/2014/19145) berkenaan dengan penyiasatan pemberian kontrak insinerator di Langkawi, Cameron Highlands dan Pulau Pangkor kepada XCN Teknologi Sdn. Bhd.

66. PR-1332-L69165

**Tuan Liew Chin Tong [ Kluang ]** minta **MENTERI KESIHATAN** menyatakan keputusan, kesahihan, kewibawaan dan pendirian Kementerian terhadap kajian saintifik bertajuk "Exposure to emissions from municipal solid waste incinerators and miscarriages: A multisite study of the MONITER Project" (<http://www.ncbi.nlm.nih.gov/pubmed/25765761>).

67. PR-1332-L68319  
**Tuan Shamsul Iskandar bin Mohd Akin [ Bukit Katil ]** minta **PERDANA MENTERI** menyatakan apakah langkah-langkah yang diambil oleh Kerajaan bagi membantu peneroka-peneroka FELDA akibat dari kejatuhan harga komoditi dan kejatuhan nilai saham Felda Global Venture di pasaran.
68. PR-1332-L69023  
**Tuan Er Teck Hwa [ Bakri ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan jumlah premis komersial yang diguna pakai untuk tujuan agama tanpa lesen dan permohonan yang belum diluluskan serta lesen yang telah dikeluarkan mengikut pecahan daerah dan negeri setiap tahun dari 2010-2015.
69. PR-1332-L69392  
**Tuan Haji Mohd Fasih bin Haji Mohd Fakeh [ Sabak Bernam ]** minta **MENTERI KEWANGAN** menyatakan apakah langkah Kerajaan bagi membantu meringankan beban golongan berpendapatan rendah, miskin, warga tua dan OKU dalam menghadapi tekanan perbelanjaan kerana pelaksanaan Cukai Barangan dan Perkhidmatan (GST) mulai 1 April 2015 lalu.
70. PR-1332-L67506  
**Tuan Khoo Soo Seang [ Tebrau ]** minta **MENTERI KOMUNIKASI DAN MULTIMEDIA** menyatakan apakah mekanisme yang dijalankan oleh Kementerian untuk mengatasi masalah jenayah siber yang semakin menular.
71. PR-1332-L69256  
**Dr. Mohd Hatta bin Md. Ramli [ Kuala Krai ]** minta **MENTERI KEWANGAN** menyatakan sama ada Cukai Perkhidmatan dalam sistem cukai SST dikekalkan dan jika ya, mengapa.
72. PR-1332-L68466  
**Tuan William Leong Jee Keen [ Selayang ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan jumlah pengeluaran notis di bawah Seksyen 21 Akta Kawalan Harga dan Antipencatutan 2011 semenjak pelaksanaan cukai GST dan tindakan susulan yang diambil.
73. PR-1332-L67841  
**Puan Alice Lau Kiong Yieng [ Lanang ]** minta **MENTERI KESIHATAN** menyatakan :-
- (a) jumlah mangsa dan kes kematian penyakit deman denggi di Sibu dan keseluruhan Sarawak bagi tahun 2010, 2011, 2012, 2013, 2014 dan 2015; dan
  - (b) usaha atau langkah-langkah drastik Kementerian untuk mengatasinya.

74. PR-1332-L68999  
**Tuan Haji Hasbi bin Haji Habibollah [ Limbang ]** minta **MENTERI DALAM NEGERI** menyatakan berapakah anggaran jumlah Pendatang Asing Tanpa Izin (PATI) yang terdapat di Limbang dan berapakah kekerapan operasi-operasi dan penangkapan PATI yang telah dilakukan.
75. PR-1332-L68711  
**Tuan Lim Lip Eng [ Segambut ]** minta **MENTERI DALAM NEGERI** menyatakan berapa repot polis telah dibuat berhubung kumpulan yang mengadakan bantahan pada bulan April terhadap lambang salib di Petaling Jaya, berapa orang terbabit dalam kumpulan itu dan status tindakan undang-undang yang diambil oleh Kerajaan terhadap mereka bagi memastikan insiden sebegini tidak berulang.
76. PR-1332-L68342  
**Puan Teo Nie Ching [ Kulai ]** minta **PERDANA MENTERI** menyatakan sama ada Peguam Negara akan mendakwa Mashitah Ibrahim dan YB Bera yang telah membuat kenyataan yang berbau hasutan.
77. PR-1332-L67651  
**Laksamana Pertama Mohamad Imran bin Abd Hamid (B) [ Lumut ]** minta **MENTERI PENGANGKUTAN** menyatakan apakah reaksi Kerajaan apabila didakwa berbohong dalam mengendalikan maklumat kehilangan MH370 oleh satu Laman Web di Australia sebagaimana dilaporkan dalam FREE MALAYSIA TODAY.
78. PR-1332-L67496  
**Puan Siti Zailah binti Mohd Yusoff [ Rantau Panjang ]** minta **PERDANA MENTERI** menyatakan jumlah keuntungan Petronas untuk tahun 2013, 2014 dan 2015 serta pembayaran dan tanggungan yang telah dibayar kepada Kerajaan dalam tempoh yang sama.
79. PR-1332-L69191  
**Dato' Fauzi bin Abdul Rahman [ Indera Mahkota ]** minta **MENTERI KEWANGAN** menyatakan adakah Kerajaan bercadang untuk memberhentikan pemberian BR1M memandangkan program ini mempunyai kesan jangka panjang yang buruk kepada negara dan telah mendapat reaksi negatif daripada bekas-bekas Menteri Kewangan dan mantan Perdana Menteri sendiri.
80. PR-1332-L68636  
**Tuan Su Keong Siong [ Ipoh Timor ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan kaedah-kaedah atau langkah memastikan "Public Performance Malaysia" tidak menyalahgunakan kuasa sebagai sebuah Badan Pelesenan di dalam industri fonografi.
81. PR-1332-L68236  
**Tuan Sim Tze Tzin [ Bayan Baru ]** minta **MENTERI KOMUNIKASI DAN MULTIMEDIA** menyatakan penyelesaian masalah pengenaan cukai GST terhadap kad top up Syarikat Telco.

82. PR-1332-L69234  
**Dato' Seri Abdul Hadi bin Awang [ Marang ]** minta **PERDANA MENTERI** menyatakan apakah strategi Kerajaan untuk menjamin kelangsungan industri minyak dan gas ketika kejatuhan pasaran harga minyak dunia hari ini.
83. PR-1332-L67902  
**Tuan Loke Siew Fook [ Seremban ]** minta **PERDANA MENTERI** menyatakan sama ada Kerajaan bercadang untuk mewujudkan semula Akta Perkhidmatan Parlimen 1963 supaya sebuah Suruhanjaya Perkhidmatan Parlimen dapat ditubuhkan untuk menguruskan segala hal-ehwal pentadbiran, pengurusan, kewangan dan lain-lain yang berkenaan dengan Parlimen Malaysia.
84. PR-1332-L68695  
**Tuan Charles Anthony Santiago [ Klang ]** minta **MENTERI KESIHATAN** menyatakan apakah dasar perubatan Kerajaan mengenai 'National Medicines Policy'. Adakah dasar ini masih dipergunakan memandangkan GST diperkenalkan.
85. PR-1332-L68969  
**Tuan R. Sivarasa [ Subang ]** minta **PERDANA MENTERI** menyatakan jumlah keseluruhan keluarga-keluarga (mengikut pecahan negeri) yang terpaksa meninggalkan rumah-rumah mereka akibat musibah banjir terkini, usaha-usaha membaiki rumah-rumah lama mereka dan membina rumah-rumah baru, dan apakah kedudukan terkini mangsa-mangsa tersebut.
86. PR-1332-L67731  
**Dato' Haji Irmohizam bin Haji Ibrahim [ Kuala Selangor ]** minta **PERDANA MENTERI** menyatakan sejauh manakah Kerajaan akan mengkaji Prosedur Operasi Standard (SOP) berkaitan dengan agihan sumbangan kepada mangsa bencana, di mana beberapa aspek perlu diperbaiki dalam penyelarasan kerja pengagihan sumbangan kepada mangsa banjir termasuk agihan dari tempat pengumpulan ke rumah mangsa banjir.
87. PR-1332-L68402  
**Tuan Wong Ling Bui [ Sarikei ]** minta **PERDANA MENTERI** menyatakan sama ada Kerajaan pusat mempunyai sebarang perancangan pembangunan khas di Bandar Sarikei dan Bintangor dalam tempoh masa lima tahun yang akan datang. Senaraikan jenis-jenis projek khas yang sedang dan akan dilaksanakan.
88. PR-1332-L69477  
**Dato' Abdul Manan bin Ismail [ Paya Besar ]** minta **MENTERI SUMBER ASLI DAN ALAM SEKITAR** menyatakan sejauh manakah Kerajaan meneliti cadangan pembinaan 'Water Highway' untuk dilaksanakan di negeri-negeri yang mempunyai risiko banjir yakni ini sebagai langkah proaktif untuk mengelakkan insiden banjir luar biasa yang melanda baru-baru ini dari berulang pada masa hadapan.

89. PR-1332-L69306

**Tuan Mohamed Hanipa bin Maidin [ Sepang ]** minta **PERDANA MENTERI** menyatakan :-

- (a) berapakah jumlah penasihat rasmi Perdana Menteri di bawah Pejabat Perdana Menteri dan berapakah jumlah bayaran yang dibayar (termasuk semua elaun) bagi setiap seorang penasihat tersebut setiap bulan dan siapakah penasihat-penasihat tersebut; dan
- (b) berapakah setakat April 2014, jumlah bayaran yang telah dibayar oleh Kerajaan kepada Paul Stadlen sebagai anggota Pasukan Komunikasi Kebangsaan (National Communications Team) Pejabat Perdana Menteri.

**PADA PERMULAAN URUSAN MESYUARAT**  
**MENGEMUKAKAN RANG UNDANG-UNDANG KERAJAAN**  
**UNTUK BACAAN KALI YANG PERTAMA**

1. **Menteri Kewangan**

- \* Rang Undang-undang Institusi Kewangan Pembangunan (Pindaan) 2015

---

\* Menandakan bahawa Rang Undang-undang ini akan dibawa pada semua peringkat di mesyuarat ini.

**ATURAN URUSAN MESYUARAT DAN USUL-USUL**

1. (D.R. 1/2015) Rang Undang-undang Ahli Kimia (Pindaan) 2015 -  
**Menyambung semula Perbahasan atas masalah,  
“Bahawa Rang Undang-undang ini dibacakan kali yang  
kedua sekarang” (18 Mei, 2015)**  
  
**[ Menteri Sains, Teknologi dan Inovasi ]**
2. (D.R. 18/2015) Rang Undang-undang Antipemerdagangan **Bacaan Kali**  
Orang dan Antipenyeludupan Migran **Yang Kedua**  
(Pindaan) 2015  
  
**[ Menteri Dalam Negeri ]**
3. (D.R. 19/2015) Rang Undang-undang Kebajikan Haiwan “  
2015  
  
**[ Menteri Pertanian dan Industri Asas  
Tani ]**
4. (D.R. 9/2015) Rang Undang-undang Kanun Tatacara “  
Jenayah (Pindaan) 2015  
  
**[ Menteri Dalam Negeri ]**
5. (D.R. 12/2015) Rang Undang-undang Keterangan “  
(Pindaan) 2015  
  
**[ Menteri di Jabatan Perdana Menteri ]**
6. (D.R. 24/2014) Rang Undang-undang Dadah Berbahaya “  
(Pindaan) (No.2) 2014  
  
**[ Menteri Kesihatan]**

**7. Perdana Menteri akan mencadangkan :-**

**Bahawa Dewan ini,**

**menyedari** akan cabaran pertumbuhan ekonomi serta pencapaian sosioekonomi semasa pelaksanaan Rancangan Malaysia Kesepuluh;

**merestui** usaha Kerajaan untuk terus melaksanakan Dasar Transformasi Nasional dengan disokong oleh Strategi Pembangunan Nasional Malaysia (MyNDS) sebagai rangka dasar pembangunan untuk merealisasikan matlamat Wawasan 2020;



**meluluskan** Rancangan Malaysia Kesebelas yang akan dilaksanakan berasaskan enam teras strategik dan enam pemacu perubahan serta peruntukan yang diperlukan bagi mencapai matlamat sebuah negara maju dan inklusif pada tahun 2020, seperti dibentangkan dalam Kertas Perintah CMD.23 Tahun 2015;

**Bahawa** dalam meluluskan Rancangan Malaysia Kesebelas, Dewan yang mulia ini menyeru seluruh rakyat Malaysia berganding bahu dengan penuh semangat iltizam dan keikhlasan untuk menjayakan matlamat Rancangan ini."

8. PR-1332-U67740

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, terdapat rungutan-rungutan di kalangan rakyat Negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau tidak diendahkan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke Negeri Sabah dan ditambah buruk pula dengan pemberian status warganegara kepada mereka ini. Dan mengambil maklum juga bahawa, Para Pilihan raya Umum Ke-13, Kerajaan Malaysia telah menubuhkan Suruhanjaya Siasatan Diraja mengenai dengan pemberian Kewarganegaraan kepada pendatang asing tanpa izin di Negeri Sabah. Dan mengambil maklum juga bahawa, Laporan Suruhanjaya Siasatan Diraja ini telah pun dibentangkan ke Parlimen tetapi sehingga kini rakyat masih tertanya-tanya apakah tindakan yang telah diambil ke atas hasil siasatan suruhanjaya ini. Dalam hal ini, Kerajaan hendaklah memandang serius akan kesan dan implikasi ketidakpuasan hati rakyat negeri Sabah dalam hal ini. MAKA, bagi menangani masalah ini, Dewan ini hendaklah mengambil ketetapan bahawa, Kerajaan hendaklah segera mengambil tindakan tegas ke atas mereka yang didapati bersalah dalam isu ini serta mengambil tindakan yang wajar bagi memulihkan kepercayaan rakyat Negeri Sabah kepada kesungguhan Kerajaan Persekutuan untuk mempertahankan kedaulatan negara termasuklah mengeluarkan kad pengenalan baru bagi penduduk negeri Sabah yang tulen."

**[ Menteri Dalam Negeri ]**

9. PR-1332-U67741

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, kepadatan penduduk dan jumlah kenderaan yang keluar masuk ke kawasan Bandaraya Kota Kinabalu telah meningkat secara mendadak sekali. Dan mengambil maklum juga, kesesakan jalan raya ke Bandaraya Kota Kinabalu telah menjadi serius sehingga menjadi rungutan bukan sahaja penduduk setempat malah juga dari kalangan pelancong dalam dan luar negara.

Dan mengambil maklum juga bahawa, seperti bandar-bandar lain yang telah membangun, Bandaraya Kota Kinabalu juga memerlukan satu Sistem Pengangkutan Awam yang efisien, seperti Sistem Aliran Ringan atau Light Rail Transit (LRT) bagi mengatasi masalah di atas. Maka, bagi menangani masalah ini, Dewan yang mulia ini hendaklah mengambil ketetapan bahawa satu system aliran ringan atau light rail transit hendaklah dibina melalui kaedah private finance initiate bagi menghubungkan Bandaraya Kota Kinabalu dengan kawasan sekitarnya."

**[ Perdana Menteri ]**

10. PR-1332-U69065

**Tuan Ng Wei Aik [ Tanjong ]** akan mencadangkan:-

"Bahawa Dewan ini mengambil ketetapan bahawa segala siasatan dan pendakwaan di bawah Akta Hasutan 1948 terhadap wakil-wakil rakyat, termasuk juga pemimpin-pemimpin parti politik perlu diberhentikan atau digugurkan dengan serta-merta selaras dengan prinsip-prinsip demokrasi yang melindungi kebebasan berucap seseorang rakyat selagi ucapannya tidak menyentuh empat perkara iaitu Institusi Raja, Artikel 152 dan 153 Perlembagaan Persekutuan berkenaan dengan Bahasa Kebangsaan dan hak-hak istimewa Melayu dan hak-hak kerakyatan."

**[ Menteri Dalam Negeri ]**

11. PR-1332-U67694

**Tuan M. Kulasegaran [ Ipoh Barat ]** akan mencadangkan:-

"Bahawa Dewan ini mengambil maklum bahawa banjir telah melanda di beberapa negeri pada baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera."

**[ Perdana Menteri ]**

12. PR-1332-U68783

**Dr. Tan Seng Giaw [ Kepong ]** akan mencadangkan:-

"Bahawa Dewan ini membahaskan faktor-faktor yang menyebabkan gerakan militan di Malaysia."

**[ Menteri Dalam Negeri ]**

13. PR-1332-U68787

**Dr. Tan Seng Giaw [ Kepong ]** akan mencadangkan:-

"Bahawa Dewan ini mendebatkan langkah-langkah untuk mengatasi pelbagai masalah disebabkan pelaksanaan GST."

**[ Menteri Kewangan ]**

14. PR-1332-U69257

**Dato' Kamarudin bin Jaffar [ Tumpat ]** akan mencadangkan:-

"Menyedari Bahawa masih terdapat lebih kurang 3,000 orang kakitangan kerajaan yang bergaji di bawah RM850.00 sebulan. Justeru itu Kerajaan diminta untuk menaikkan gaji kakitangan tersebut ke paras melebihi gaji minima negara."

**[ Perdana Menteri ]**

15. PR-1332-U69487

**Dato' Kamarudin bin Jaffar [ Tumpat ]** akan mencadangkan:-

"Memandangkan satu bencana banjir yang amat luar biasa telah berlaku pada bulan Disember 2014 di Kelantan yang mengakibatkan kerosakan harta benda yang besar dan memusnahkan sekitar 2000 buah rumah kediaman; Memandangkan bahawa bencana alam adalah tanggungjawab Kerajaan Pusat; dan Memandangkan bulan Ramadhan akan bermula pada 18 Jun 2015, maka Dewan ini mempertimbangkan dengan segera untuk memastikan Kerajaan Pusat dengan kerjasama Kerajaan Kelantan menyiapkan pembinaan rumah-rumah mangsa banjir ini disiapkan sebelum 18 Jun 2015."

**[ Perdana Menteri ]**

16. PR-1332-U67593

**Dato' Johari bin Abdul [ Sungai Petani ]** akan mencadangkan:-

"Bahawa Dewan ini mengambil maklum, terdapat ketidak cekapan Kementerian Pendidikan dalam mengurus asetnya di mana puluhan unit kuarters di Taman Semarak, Sg Petani ditinggal terbiar, tidak didiami dan telah menjadi sarang penagih dadah. Jika aset ini tidak diselamatkan ianya akan membawa kerugian kepada Kerajaan dan maruah Kementerian akan tercemar. Tindakan serta merta mesti diambil untuk menyelamatkan aset-aset ini."

**[ Menteri Pendidikan ]**

17. PR-1332-U67594

**Dato' Johari bin Abdul [ Sungai Petani ]** akan mencadangkan:-

"Bahawa Dewan ini mengambil maklum, kebolehan berbahasa Inggeris dikalangan pegawai-pegawai Kumpulan A, Perkhidmatan Awam Malaysia makin menurun. Pihak Kerajaan mestilah mengambil tindakan drastik bagi memperbaiki keadaan dengan memberikan kursus-kursus intensif kepada mereka. Kerajaan juga mesti memasti Pegawai-pegawai Kumpulan A melalui kursus wajib Bahasa Inggeris yang mesti di adakan di INTAN atau mana-mana institusi pengajian tinggi."

**[ Perdana Menteri ]**

18. PR-1332-U67595

**Dato' Johari bin Abdul [ Sungai Petani ]** akan mencadangkan:-

"Bahawa Dewan ini mengambil maklum, terdapat masalah yang dihadapi oleh pengguna kenderaan bagi mendapatkan lesen memandu bila mereka gagal dalam ujian berkomputer. Kerajaan harus mengkaji semula adakah syarat wajib lulus ujian berkomputer ini masih sesuai dan relevan memandangkan kos yang makin meningkat semasa mengambil ujian ini dan walau pun lulus ujian berkomputer kemalangan jalan raya masih tidak berkurangan."

**[ Menteri Pengangkutan ]**

19. PR-1332-U69440

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murah (cheap liquor) secara mudah dan murah yang semakin berleluasa. Gejala pengambilan arak murah ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

**[ Menteri Kesejahteraan Bandar, Perumahan dan Kerajaan Tempatan ]**

20. PR-1332-U69441

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

**[ Menteri Dalam Negeri ]**

21. PR-1332-U69442

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

**[ Menteri Pendidikan ]**

**RISALAT-RISALAT YANG DIBAWA KE DALAM MESYUARAT**  
**(DEWAN RAKYAT)**

<b><u>TAHUN</u></b> <b><u>2015</u></b>	<b><u>RISALAT/DOKUMEN</u></b>	<b><u>TARIKH</u></b> <b><u>DIBENTANGKAN</u></b>
ST. 60	Laporan Tahunan Dan Penyata Kewangan Pertubuhan Berita Nasional Malaysia (BERNAMA) Bagi Tahun 2013	19 Mei 2015
ST. 64	Laporan Tahunan Dan Penyata Kewangan Yayasan Tun Razak (YTR) Bagi Tahun 2013	19 Mei 2015

**UCAPAN-UCAPAN PENANGGUHAN**

<b>Tarikh Ucapan</b>	<b>Ahli Yang Berucap</b>	<b>Tajuk Ucapan</b>	<b>Menteri Yang Bertanggungjawab</b>
1. 19.5.2015 (Selasa)	1. YB. Tuan M. Kula Segaran (Ipoh Barat)	1. Kesilapan dan keciciran keputusan peperiksaan pertengahan tahun 2014.	1. YB Menteri Pendidikan
2. 19.5.2015 (Selasa)	2. YB. Datuk Madius Tangau (Tuaran)	2. Meminta Kerajaan Persekutuan supaya memberikan peruntukan untuk membina infrastruktur menjadikan Kota Kinabalu sebagai hub 'Transshipment ASEAN'.	2. YB Menteri Pengangkutan